

花
宜
館
詩
鈔

花宜館詩鈔卷之十一

錢塘吳振棫宜甫

古今體詩九十首

起癸卯
盡甲辰

姚伯山同年

柬之

冷泉圖

昔歲冷泉亭子上乘興夜遊真放浪靈鷲峯前葉已秋
合澗橋邊水猶漲白石齒齒溪毛橫泉聲更帶松風聲
黃猿挂影林月明梵鐘未動詩先成年來飽看黔山色
處處泉飛蠻樹黑驛樓燈小風雨過怒響攪人眠不得
客中無復舊心情把君此卷成回憶一官萬里皆白頭
風中飛蓬不自由幾時相約冷泉去清酒魚羹容易謀

周小湖太守

作楫

評梅仙館圖

一圖老幹花不著一圖繁花淡墨作更有周熊兩幅同
野格橫枝朱粉錯松光竹影帶參差雪意雲痕添約略
藐姑射是仙人居平章肥瘦今何如有時近局呼野老
爛醉花底成歡娛胡爲出門戒行李拋卻梅花行萬里
綺窻消息那可問艾蒿連錢青未已去年握手黔山中
朝衙踏鼓聲蓼蓼天涯羈思易振觸嬾看蠻花無賴紅
今日披圖更惆悵我亦有家湖水上先人手植梅數株
年年花向春前放如今開落付園丁未必神情能張王
清時何忍說拋簪空爲鄉園思不禁君應不受梅花笑

作吏依然冰雪心

得鄉書雜成十六首

字字含嗚咽長牋復短牋鶯花非往日烽戍已頻年禍孽天應悔傳聞語不全樂郊何處是惆悵聽啼鵲

岑港今無險東南幾震驚貸囚曾密詔按籍僅空城不棄芻蕘議難調水火爭古來謀國者一意在澄清

去來煩故相事或舉棋然空有中黃士誰摧大白船粵閩鋒屢挫吳會勢相牽使者星行急重張撻伐權

將門應出將白面喜談兵授鉞人人羨登陣夜夜驚蕩除空有願狼狽竟無成塗炭安逃罪微軀謝聖明

桓桓三總戎拒戰氣殊雄鐵杖捐生易金叉赴死同沙
潮千古恨猿鶴一軍空絕島無援應當時計未工
宗相尊朝寄旌旄又一時拜塵趨大吏開幕狎纖兒爭
唱從軍樂休嫌殺賊遲司農有供饋未用惜銖鎰
喜怒憑參簿乘軒勢最尊嬉遊孟叔度輕薄陸長源謬
算軍資喪新愁鬼哭冤由來口打賊功級尙承恩
荆杞東西浙蕭條幾縣城遊環多潰卒朝彩但空營拜
表倉皇意爭舟憤噪聲檀公卅六策公等最分明
江淮招弩士奔赴竟如林跳免誰披羽搜牢似摸金散
歸精仗失酣飲野廬深此輩羞鋤耒萑蒲慮不禁

別築虞潭壘荒涼漚瀆秋水犀諸道集風鶴重臣愁綠
柳烽全逼黃橋骨不收壯哉韋子節戰死姓名留
北府兵稱健旌旗鐵甕高何人當重鎮不解禮諸豪妄
殺疑秦謀新聞唱董逃可憐單騎出萬骨委蓬蒿
玉帳重移日長江戍火紅孟明猶使過魏絳旋和戎軍
吏遷延甚諸司供帳豐空聞鎖廬昶罪狀恐難窮
羽檄朝朝警兵船處處譁宵嚴皆列柵地遠亦移家頗
被羣偷侮還憂間道賒寒貧輒輒障安穩轉相誇
說客來瓜步羣公聚秣陵自今安衽席未肯靳金繒埽
鐸誰能辦吹壘衆所懲仇讐釋杯酒此語豈堪憑

存亡責守土甲仗豈堅完漏刃生真倖嬰城事或難功
名惟欠死臭腐總因官家室纔相慶紛紛白筆彈
鄉里重相問傷心幾歲過衣冠淪小劫金粉擲長波野
火園林盡斜陽壁壘多長官來幾日休更說催科

簡俞秋農明府

汝本

臞儒老現宰官身躑躅蠻天劇苦辛積水沒人猶有雨
亂花吹瘴不成春魚肥蟹賤鄉心在竹瘦梅疎畫意真
薄醉詩成應傲客滿囊珠玉漫憂貧

答章鷺門明府

詒燕

難索琴絃契全昏研匣塵一編開老眼萬里見斯人夢

落吳楓冷香寒楚蕙新蠻山待奇筆好爲狀嶙峋

行李輕如葉官程迫往還濕雲飛鳳嶺瘴樹老鴉關宦

味催成老詩心妙在閒煎茶看蠨眼佳句未應慳

鷺門甫攝

安南縣事卽
檄調入簾

秋農送畫竹用山谷斌老送墨竹韻

往時鄭道人

鄭燮

墨竹噪流輩籜翁名更重

錢載

石本

遠方逮方其下筆時飛動風雨會妙豈在法中要不與
法背秋農後來秀二老法故在布置稍不同嬾寫幽蘭
配四幅忽送似幅幅皆可愛一幅淡欲無秋滿墨痕外
君來字黔氓于我才十倍骯髒恣豪吟嬾要羞俗態契

茲強直性把管此君對畫理請益君心小膽可大

竺个園明府

承簡

送墨竹仍次前韻

个園勤畫竹月計千百輩種相體性殊摹擬罔不逮十
年烏兩裏亦自有神會屈鐵作鉤鎖借石分面背問君
何師承清影窗月在黔陬論此事當以清老配秋農張
壁飽饒眼熊魚兼所愛遂疑攜二子唱觴湘烟外清老
更工詩君書工力倍詩寫竹清聲書盡竹古態幾時相
招致筆牀坐相對縱橫畫書詩竹屋湖頭大

舟夜聽周子淳

灝

話舊事因憶令兄子愉

頊

揚州

短榻灘聲外鄰船樹影中深談因仁月穩泊不愁風聞

道南遊日親看黥寇江墟烟瓜步斷戍火蒜山紅誰握

金符重爭誇鐵甕雄倉皇宵騎遁悽惻礮車攻擐甲人

俱散防江策遂窮曾無一矢折已歎萬家空小縣殘兵

駐滄波戰艦通

子愉時爲常鎮道奉檄守江陰縣

連旬警風鶴幾處化

沙蟲心已蕪刀決文猶羽檄工孤城拋弱弟

揚州居民十九移徙

子清留守權署甚久

單舸走衰翁

石藩太翁避地泰州

幸決休兵議真羞卻

敵功全家巢卵在幻夢鹿蕉同壯盛離朝籍東南作寓

公書空休咄咄過隙亦怱怱換酒應懷阮牽船好住融

浮名輕失馬鄉思付歸鴻相憶千山隔吾方一棹東對

牀他日詠遠寄豁雙瞳

由常德陸行宿大龍驛

灘聲聽已厭秋興爲山濃落日催征騎人烟接大龍草
痕微過雨樹色不離松便擬從樵者看雲挂一筇

仕宦南北輒與王淑人俱今所歷皆舊遊處泣然

有作

野店孤舟幾度緣夢痕重省漸茫然千山萬水愁中路
容易消磨廿九年

荊州

荊州雄勝地萬里扼襟喉英雄嗟已矣江水日東流

渡滸沱

午日仍寒色荒荒動遠愁沙連衰草白河擁斷冰流史
事憑誰問勞生復此遊布裘慈母線三十一春秋壬申自蜀
入燕始過此

杜石樵師

堦

以侍郎致仕癸卯復見於京師年八

十矣而神觀如昔畫山水摺扇并錄曩年督學

任滿去杭州時詩于上爲余贈行詩云誰家風

日非閒美何處樓臺不畫圖此去可能重到否

退朝清夢滿江湖因同原韻作七律一章奉呈

華紳三代並時無

時公子受田官少司農公孫翻官祭酒皆由翰林致通顯聚順一堂婆娑

老福蓋海內未有其匹

八十拈毫味更腴人說靈光重東魯心同

玉局戀西湖公能樂道不知老我竟忘歸媿此圖細認
樓臺烟水裏頓教鄉夢逐鷗鳬

五言二章寄友

鐘鼓發仙禁鳴玉見姪娥靜涵九淵珠耀豔三春華納
規拜永巷善言決江河佚女時見嫉青蠅樊棘多巧笑
恩自偏誰復相譏訶懷貞獨耿耿恐傷玉體和長門生
秋草抱瑟憂如何

嶧陽雙梧桐良工裁作琴有嬌御其一彈風和人心其
一在人間蛛塵網枯木不諧等瑟耳材蓋有不足亦欲
習新聲懼爲知音辱安能使兩琴合奏清廟曲

海淀之東曰雙橋有僧舍焉地極僻冷邠春浦尚

書

藹藻

賃居數楹榜曰雙橋精舍癸卯冬余至

京師尚書置酒極談留宿竟夕既別作四詩以

寄之

十笏殊清淨雙橋似隱淪讀書貪地僻約客見情真樹
色連馳道波光冷臥茵不因珂玉響誰識是樞臣

別久相勞苦殷勤拂玉卮開軒共寒月下酒得新詩濯
濯三春柳汪汪千頃陂獨因憂國意感激動須眉

名高時論忌任重

主恩深不覺成衰鬢無人諒苦心幾同棋局換三歎劍

塵侵翻憶詞曹日相攜快嘯吟

世事紛紜甚余生骨相屯性迂乖衆嗜老至拜

殊恩故里瘡痍徧蠻山雨雪昏行藏計安決短燭共君
論

簡陶七舍人

際堯

同年

廿年守一階寂寂甘雌伏豈復愛熱官生平思燭熟乞
兒乘破車君但笑以目兒慧秋解早婦賢內儀穆樂飢
乃寡營量受斯養福人生規不朽詎在秩令僕古今文
獻徵後世懼不足頗聞大庫儲架閣多連屋鉅者參史
乘細者正吏牘掌故闕見聞文章句膏馥攜拾鼠蠹餘

殘零亦璣玉君誠有心人此計當久蓄世俗喜詒癡歲月如轉燭中書君中書無待老而禿

贈人

壯歲功名衛霍間而今毛髮已成斑山中名姓無人問
自掬清泉洗箭瘢

書店壁

午晴蒸暖入征鞍釀雪陰雲作暮寒夜半酒醒風又轉
店門斜月大如盤

過保定陸立夫方伯

建瀛

招飲卽席有作

篋輿一日百里強天寒日落凍欲僵主人憐我已老憊

置酒軟腳開西堂
鼎盤卅品薦美食
華燭百挺懸宵光
喜心傾倒累十觴
情親語雜無猜防
聞君高論氣雄直
細思時事心傍徨

聖人明德在恭儉
撫馭已見通海航
國家元氣要培養
小生言事徒更張
種魚宜使水氣靜
樹木弗俾根莖傷
史公平準識深意
往迹每歎卜與桑
漢家三輔地最重
宜有仁政扶羸延
安生順性勿駭怖
藏富庶告農夫慶
酒酣仰視明當康
占星來歲宜豐穰

過淇縣聞重臣先後往治中牟河

淇竹不堪伐蒼涼
瓠子歌毋言館人
匱尙有使車過左

藏會無靳

發內帑一百五十萬

流民恐已多吾

皇軫飢溺公等意如何

榮澤

病骨天還憫南風日日晴曙光兼月遠寒色過河輕至
日陽微動中原地最平澄清知己久攬轡不勝情

襄陽

下馬漢臯晚大隄吹亂塵好山多入楚寒水遠通秦
舊名誰識英雄蹟已陳如何垂白歲辛苦作征人

題壁間畫

新鶯初試啼勸客勤酒殘濛濛暈晴烟亂綠不可剗十

年塵土客忽醒湖山眼

修徑入翠微溪水相映帶日午聞清鐘涼陰滿松檜老
僧來飯猿曳杖白雲外

洞庭秋已霜楓橘歲華晚雁影沒蒼烟天際一繩遠布
帆告將歸清夢夜纔捲

斜風驅急雪野屋嗟已破凍醪尙盈尊故人不我過似
有梅花香吟詩但高臥

十一月廿九日宿南新店距王淑人之歿蓋一期
矣愴然賦此

君未南歸我北行旅魂山剎太淒清經年愁緒知多少

細數燈前白髮莖

淑人樞厝貴
賜扶風山寺

卅年宦海歎勞薪幾度相隨萬里身
今夜孤燈荒驛裏
商量寒煖更無人

問到存亡復問年

玉音頻下轉淒然生平女伴誰能及
可惜無因報九泉

頃越

召對

勤政殿東室蒙

垂問淑人存否

年若干有子否蓋淑人爲王勿庵少宗伯女嘉慶間侍
直上書房

稔知其家事也

還過荊州太守程省齋表兄
伊湄招春木共飲話

舊再宿乃行用親戚共一處爲韻作詩

意象負天翼文章翻海鱗
橈寮壯盛日豈是一世人味

道謝聲利不復謀其身和陶聊自悅晚得酒中真近來
依荊州宴坐最情親醉語雜莊諧猶患俗客曠

欣然讀書孫布穀聲歷歷把杯臥聽之世故忘欣戚州

人不好事載酒客滴瀝獨有王子淵

王孝廉
柏心

文藻班左

轅獻璞晚見收祭軼云北適款扉遂無人如何遣岑寂

程兄守荊部江水驚泝洞城頭風雨聲生死萬家共

謂去

年江水
決隄事

天相功幸完官貧民善頌舉債不復愁自分耐

饑凍五年京塵別日月倦賓送買酒且放歡歲暮行請

俸

城東馬婆巷吾舅曾築室轄投陳遵并食饋鄭莊驛當

時蓬蒿中酒錢不贖瑟今君憶田園有待昏嫁畢歸徑
秋未荒我老天與佚樗寮亦熟遊座客指屈一

言歸事良難我復戒徒御一官在何許馬行天盡處遠
方便老嫗小僮或蒙恕飽食輒驛顏惟茲苟祿故終當
踐初約白日不我顧君其理釣綸吾願采菹賦

荆門道中雨

寒雨細已甚荆門山徑中灑空兼宿霧穿隙趁斜風江
近天常濕雲深路欲窮幾時吹作雪一白麥畦同

馬伏波祠下作

文淵平生意誥誠崇退讓東京一長者豈獨才大將壺

頭收全功當與駱越抗建武非庸騷胡中薏苡謗師行
萬里外君意移所向天厄病毒淫曳足憐悲壯激楚誰
訟冤逡巡始歸葬當時據鞍心老豈不自量下澤固所
懷效死莫予諒武溪至今深蠻笛逐悲唱

雪後宿澧州有懷張仲甫

應昌

莊芝階

仲方

吹斷城頭雪幾絲繞城清澧靜流澌梅花消息窗前月
白髮生涯客裏詩滿地江湖空入夢向南鴻雁又經時
天寒翠袖佳人遠欲采芳蘭寄已遲

桃源道中

短堠長亭拂曉過穉松新篠翠婆娑千山雪向春前盡

半世詩成馬上多，
碁局易闌何勝負。
仙源可訪莫蹉跎，
明年儻遂東風約。
萬樹桃花一釣蓑。

十二月十五日宿鄭家驛月下有感

燈火青熒思悄然，
馬嘶聲散驛門前。
山千重處經三宿，
已卯癸未辛丑余偕
王淑人三度過此。
月再圓時又一年。
長夜酒杯愁對影，
暮齡文字易歸禪。
雲鬢香霧今何憶，
比似鄜州倍可憐。

平苗

辰沅道中作

平苗累代有戎旃，
槃瓠祠邊想墮鳶。
慰納孰同應世叔，
毒淫曾歎馬文淵。
議從改土歸流定，
事或焚山竭澤然。

信史在朝謳在野千秋功罪付流傳

辰龍關

茲山何嵒巖路欲絕飛走誰從九天上鑱鑿出戶牖焉
容兩騎並信足一夫守

仁皇昔討叛湘澧征鼓吼維時賊聚屯豺虎喋血久仰
見

天王旗里老奉牛酒昆崙半夜奪露氣冷刁斗一戰復
故臺羸嬰獲慈母西南萬重險茲實拊其首桓桓兩將
軍破竹功在手去今二百載防風骨應朽壁壘安可尋
岡澗尙含垢逆臣無逃誅乾坤正綱紐

辰州

高高望城坡，歷歷沅陵縣。樹色兩岸分，炊烟萬家見。冬灘水痕瘦，抱郭靜寒練。側聞蔡將軍，綏遠承恩眷。綏遠將軍蔡毓榮榮當時殄吳淠，苦戰躬刀箭。如何不自慎，貲死終嚴譴。勞歌武夷笛，笛人事漢宮。扇功名始終難，君子貞不變。

清山坡

山勢何巖巖，山氣寒更清。日輪不可見，似從山外行。怪石忽羣立，向人作猙獰。馬蹄石磨戛，迸火時一明。山民各樵汲，呻嘔沸聽狂。念此風土殊，怫鬱傷余情。

馬料泉

神龍蟄寒巖終古涎掛壁蒙密藤篠纏何處清冷覓山
靜始有聲聲盡復一滴仙人似招我昨夢領珠摘苦茗
嬾品嘗掬月弄的皦媿此執掌勞心塵豈能滌

虎溪書院

陽明昔未謫遠土空嚮慕天欲覺此邦羣小力爲助龍
場望迢遞過此敝車駐微言警羣愚青天埽雲霧至今
撫殘碣突兀依雙樹蘭芷思薦馨溪風客沿沂

渡辰江望丹山

一江納雙流波勢捲寥廓羣峰壓扁舟頗慮篙櫓弱稍
灘腳迴遲遲沙尾著南望隔岸山千尺俯城郭石動

風雨懸谷暗夔魑樂云有仙真人栖此鍊大藥至今洗
丹處紫氣抱飛閣籀書九千外奇字誰所作山上刻字類篆而不
可舟師指示我靈跡具灼爍吁嗟塵濁中焉能招黃鶴
羽化多渺茫耳食誤假託祕籥啓靈臺萬象擲糟粕

自桃樹坳至巴家坳皆極險峻

入山耽苦吟摹狀成結構山意不我屈出奇與詩鬪茲
辰涉諸坳遂使我馬瘦上坡駭梯空下坡疾放溜苔滑
不受趾木標幾絕脰阪危側掀淖石裂下陷竇怪禽前
後啼霧雨無白晝一步一惕息十步一逗留入險非人
擠敢籲神物救飢疲無佳思鈍手欲縮袖但歌蜀道難

未免見聞陋

雨憩留雲寺

白雲不是人間物
老衲留雲伴歲闌
茶竈火紅松雨碧
一聲清磬萬峯寒

黔楚山中多茶樹
高數尺至丈餘
葉深碧凌寒不彫
花五出而白
軋其實得膏曰茶油
利甚溥也
顧花非玉茗
海紅之豔
葉又不足供茗事
無以邀士大夫之矜
寵
空山風雪特與野老作緣而已

犀甲叢叢森不動
幾朵低擎冰雪重
空山抱此歲寒姿

落實猶能爲世用客來相向歎清寒無人采摘供吟諷
君不見長安天上多貴家圍爐鬪茗重簾遮鞵紅正賞
山茶花

雪中山行暮宿弓坪

十二月廿三日

風雪捲蠻天淩兢袖一鞭人行山是玉地控水如弦人
言此處地勢如弓前直沉水如弦故稱睡思敲牀得鄉
弓坪然又有稱馬公坪者未知孰是風祭竈沿不因喧爆竹渾未省殘年

雲門坳

斷壁虛無緣雲根斧嶙峋不信尺寸土行盡萬古人平
陂理靡常稍下徑可循昨夜戰玉龍萬片落敗鱗亂石

沒頭角凹凸了不分役夫屢顧計一失驚心魂風來作
鯨吼雲去如獸奔天寒日下春力進毋逡巡數錢犒爾
百賣酒前有村

自小栗子關至大栗子關

扼隘斯號關大栗踵小栗冷翠夾萬峰壁壘儼對列中
間人蟻旋餘地尋丈劣奔放恐勢盡矐以百曲折紆迴
三五里蒙翳忽盡扶詎知置身高俯首見白日十夫挽
一輿神悚力并竭若臨大敵然敢謂出險必心目皆有
營獲濟喜色溢乃知諸葛君謹慎出功烈豈獨乘高危
古訓聞蹟埒

蜈蚣關

山有胡孫愁，嘖有蛇倒退。此復蜈蚣名，雖俚義不倍高。
峯挺嶢岼，蘊毒多荒蕨。巖竅忽啓鋒，校刃全淬細。路
走蟠蜿，直上洞腹背。我今閱世久，行道不足慨。不見城
市中，亦有虺蜥在。

鎮遠除夕

江頭留過客，客裏盡殘年。翻覺羈愁失，真叨地主賢。
兩城譁爆竹，郡衙各一城百榼送流泉。攝守朱同年德璫攝令陳君浩皆以酒食餽
未識家人輩，屠蘇飲孰先。

相見坡

兩峯鬱相對中厯路阻長躋巔矚來徑曲折曩羊腸昔
我始來此妻子遠攜將冉冉逮二紀子今二十強開我
舊時鏡隻影彌自傷顧念茲山好歲歲永相望託質匪
金石策馬意傍徨

甲辰新歲二日遇周雨亭觀察

澍

於相見坡方由

滇南入京師也下輿相揖卽口占一詩然後談
十七年以來事良久乃別去詩云人間日月似
飛梭十七年來一夢過相思歲歲不相見相見
今朝相見坡詞調清婉以之入陽關小秦王殊
可歌也是夕宿施秉因衍其意作此詩以記之

與君聽鼓遊溟徼黃塵跼蹐心自笑與君觀潮向海昌
潮聲欲到風滿塘當時豪氣皆可挹我未四十君五十
卻話垂髫左塾時已歎雙丸行太急秋蕾隨風不並飛
沙禽逐食不同棲人生千里復萬里何處天涯尋馬蹄
新年霽雪山山遍相見坡頭忽相見人世推排十七年
君言如露還如電紛紛得失總難蠅辛苦去來仍燕雁
夢裏身從湖水歸老來骨耐風沙鍊唱出風流七字詩
林猿澗鳥含悽戀君不見南高峯北高峯往來雲氣如
飛龍終須此地結鄰住相見朝朝扶短筇

宿楊老驛

石室金言卷一
路短馬亦樂村貧飯每遲山園楊老驛雨到竹王祠夢
醒燈猶在雲來客未知舊時張邈過草履復何之

人日宿龍里縣去貴陽僅一程矣作此寄家人

萬里逢人日山中尙問塗便歸仍是客且住未爲迂老
竹應抽筍春醪可滿壺迎門或相識最憶小於菟

雜詩

涇水貫渭流芳草蒙蕭艾清濁詎可同薰蕕性終在美
人畏謠詠小雅多忠愛長歌當痛哭聞者生駭怪消長
陰乘陽筮易見否泰

昔人樹松柏將爲世棟梁桃李花灼灼豈爲私室光貴

人誇炙手賤士乃升堂吹噓成毛羽乘風排帝閭時來
冠蓋盛勢去門戶殃寒暑必有復哲士識其常親讐何
所避美矣祁黃羊

春日遊扶風山

山近來尤數晴光翠勝螺

俗呼螺山

徑深新樹密雨歇斷

雲多鳥解當花舞

山有馴翠亭
舊孔雀二

僧客載酒過似聞松隲

裏隱約有樵歌

黔靈山

黔靈孰云遠朝夕在北戶命駕欣茲遊岡阜何同互瞳
矓欲上日披豁初解霧開堂何時僧法雨活萬樹純碧

裏一山面目不復露修蛇徑盤盤前跂斷無路百轉快
新覲千級蹙窘步喘汗升其顛石角敗芒屨香臺功德
雲地靜鷓鴣無怖小休青豆房松竈治茗具

王甫弟自蜀中至

蠻嶺通黔蜀遠來攜瘦奴回頭幾離合彈指一須臾君
已垂垂老吾真負負呼西園花亦好偏惜故園蕪

西園雜興

閒亭開窅窳高閣架坡陀芳景誰家有長吟獨自過鶯
聲晴樹碎蜨影午簾多更喜牆頭見春烟畫翠螺

白晝攤書地青山拄笏時空亭人坐久微雨燕歸遲石

蘚全遮路風萍不滿池心憐妨屐齒新筍兩三枝
恐有微塵浣呼童淨埽除水香荷葉大風定柳花疏徑
轉時逢鶴闌低獨戲魚溪山畫圖裏相較竟何如
水色明於鏡因風糝落花鳬鷺眠淺草蝌蚪亂晴沙幕
捲遊絲入籬牽弱蔓斜明朝天氣好屋角豔餘霞

東山僧寺

我愛東山最閒寂松厓蘿磴鬱紆迴靜中閱世通禪悟
老去登高減賦才浴鶴春淙翻急霰鏗鯨午殿吼晴雷
上方好是昏黃後捲幕先看海月來

黔南二忠詩

有引

甘忠果公名文焜字炳如其先江西豐城人後
遷瀋陽隸正藍旗漢軍累官至雲貴總督康熙
十二年吳三桂反遣族弟文炯齎疏入告而以
書報川湖總督蔡毓榮趣其集兵沅州聯黔楚
聲勢會巡撫曹申吉提督李本深已受僞命督
標兵久被脅誘調遣無受命者公度貴陽必不
可守令妾盛氏與婦女七人縋死而率數騎與
子國城筆帖式和善雅圖疾馳鎮遠比至副將
江義得三桂書以兵圍公於吉祥寺公衣冠向
北再拜自剄死

通志云
縊死

年四十有二國城和善

雅圖從死焉吉祥寺在吉祥山下寺有古柏二
堅若鐵石人謂忠烈之氣所結云

狼子藏野心一嗥乃衆應隻手障洪河人力安可勝乞
援謀自滅殉國志早定古柯寺門雙號風肅清聽

王忠毅公名之鼎漢軍正紅旗人以任襲二等
子爵累官至提督康熙十八年吳世璠據貴陽
賊將尤廷玉等犯永甯時公官四川提督率總
兵劉魁李芳述大敗之斬僞總兵毛友貴等勇
畧將軍趙良棟將進取雲貴調芳述等至敘州
而留公守永甯賊陷瀘州復來犯拒守甚久外

援阻絕賊穴地攻城陷公以印付僕陳善間道
歸成都而自率兵巷戰左腋創爲賊執昇之貴
陽世璠遣夏國相等說降公不屈賊怒以刃擬
其頸公瞋目大罵曰逆賊何不速殺我遂遇害
蓋康熙十九年九月二十九日也是日大風拔
木黃塵蔽天同死者總兵劉魁何承德以下凡

十二人

爲鬼當殺賊豈有降將軍嬰城復巷戰壯氣鬱如雲使
君不負國孰忍負使君風霾塞天地憤泣紛精魂

花宜館詩鈔卷之十一終

花宜館詩鈔卷之十二

錢塘吳振棫宜甫

古今體詩八十一首

起乙巳
盡丁未

蘇大刀歌

并序

蘇大有湖北襄陽人善用大刀由行伍累階至
總兵官雍正六年以貴州定廣協副將從經畧
張廣泗征丹江生苗攻克也告烏高櫓楠石板
等大小二十餘寨丹江遂平大有在軍中與士
卒共甘苦臨陣以身先之能以忠義激發士氣
黃茅嶺之戰苗伏叢莽中刺大有左股傷血被

衣履左右驚問曰此苗血濺吾衣耳督戰益力
旣勝還營中乃解衣示衆曰頃實負創言之恐
亂軍心大丈夫爲國殺賊死且不避何恤焉苗
人畏其威猛目爲蘇大刀往往見其旗幟輒奔
潰云

蘇大刀身長八尺聲虎虓平生一刀作性命能以倬突
雄其曹雍正之六載

皇帝命將來平苗丹江江水何毒淫烏高櫓桶箐霧交
十寨復五寨離紛紛如毛提刀躍馬怒斫陣刀光上下
風蕭蕭十盪十決落苗膽望見旗影皆奔號黃茅嶺何

習堯伏發創左股漉漉血出漬錦袍詭對紿左右突戰
益力氣不撓歸來解袍示奴客擲刀一笑霜天高君不
見古來棘門灞上盡兒戲柏直乳臭羣相嘲安得此人
此刀世常有使殪犀兕刺螭蛟雷霆驅除日月照庭實
琛貝萬國朝胥海內外無姦驕吁嗟乎蘇大刀

追懷吟社故友五首

汪小米中翰

遼孫

振窮不卹家愛才不限格臺閣得此賢置網包山澤傳
家卷論萬

君家藏書
爲吾郡最

勸客觴累百傷心北樓下鬼唱湖

月白

黃蘗泉明經士珣

微尙在抱山朱門疏造請塊然窮巷中問蒼形共影句
奪山光奇夢與湖水永一編弗浪出流俗故未省

錢葦船孝廉師曾

譚蓀洞百家論事見千里始知光明藏不在兩眸子草
堂頻入夢松風暮潮起日月不待人墓木今拱矣

君壯歲失

明所居曰松風江月草堂

夏松如茂才之盛

胸中詩萬篇兩手不及寫偶然杯酒間落筆如奔馬埋
照三十年足跡但鄉社如何死異縣烽堠嗟滿野

君以避兵

歿於新安

松光上人

洗眼雲水光脫口烟霞語畫理何處深琴罷聞山雨住
世一刹那文字亦漫與豈知掛唇舌本無絲頭許

相寶山

人言苦犖确我愛松間風翛然不知夏縹緲登茲峯威
遲樵人徑崔嵬梵王宮幻相滅諸妄鏡臺塵已蒙

寺有大銅

鐘俗言舊時能照見前世

長廊亙天際疏雨濕網蟲憑闌一以眺羣

山自橫縱城郭出地底萬家雲氣中聞香入微妙解帶
語從容坐久豁斜景飲澗下雙虹

送王甫還杭州

高閣度羣雁天涯秋已深青楓正搖落復此離別心君
行向何方殷勤念鄉里東上洞庭船長波下揚子憶昔
與君別把酒明湖秋置水平地上各自東西流東西不
相見飛飛伯勞燕白髮一以繁日月去如箭三月雨絲
斜西園有落花勞君遠相訪辛苦出三巴聯牀曾幾時
離琴愴懷抱鄉人倘相問道我顏已老老別語難休留
君不可留杭州風雪裏兒女望歸舟大兒能奉觴小兒
能執燭祭竈請比鄰到家春酒熟

羅蘇溪方伯

繞典

招同馮桂山觀察

德馨

周小湖

太守集知養恬室

平生不具杯鎗眼悔吝如君校五分

蘇溪不飲酒

獨有高懷

能好客更從寒夜細論文浮家人似新巢燕健步花移
斷壑雲半日得閒尤愛惜百重堆案正紛紜

以杭郡詩輯貽蘇溪易沅湘耆舊集

堂堂大國楚江湖恣吐吞一從屈宋來作者紛雲屯廣
樂台笙璫雜佩芳荃蓀蠹鼠禍楮繭放失百一存誰欺
手掇拾鬼唱洗煩冤因君一送似及我眊未昏敝廬枕
西湖秀綠同湘沅其地亦詩藪家家富瑤琨先人都一
集我譬傳硯孫亟遣老馬走投報非所云古誼重敬鄉

才宜集言金 卷一二
土風情所敦楚歌與吳歌衆妙豈異門天葩琢萬巧培
沃惟一根三月成善政宴坐爐香磨玉唾灑新詞休暇
句討論

明萊州太守贈太常朱公萬年守禦圖冊

有序

余官萊州作三忠詩太常其一也祠壁有守禦
圖乾隆間公之後人有至萊者州人旣醵金贈
之并摹壁畫爲冊俾之攜歸今年在黔有以此
冊見示者復題數句於後

萊州太守黎平朱祠壁白堊上有圖耳孫遊萊摹作冊
攜歸永寶如璠璣昔我謁祠畫曾見此冊風雲畧參變

風雲氣色畫不難難畫心腸鋼百鍊記說城南舊戰場
古木枯盡平沙黃受降當日氣冤憤罵賊更聞詞慨慷
遺黎紀載多野乘讀之清淚霑衣裳吁嗟乎海風掀天
波浪惡一腔熱血成方畧孤城不破民更生太守雖死
死亦樂世間男子生要奇生爲奇男子死爲烈丈夫公語也戰死乃得
伸須眉奉詔出城卒被紿太守之死死可悲吾爲太守
悲復爲蒼生哭將相無人廟算乖十七年中談撫局

送平樾峯

翰

歸山陰

興盡輕卑宦身屯悔遠征

君官江南以薦舉擢守黔之遵義未幾左降頻年滯留非

君志也

來禽新妙蹟

新鐫所書來鶴帖

留犢舊清名漁父莊生意

江神坡老盟霜顛吾媿汝猶自戀塵纓

百年春一夢況復感天涯載石裝先辦開帆鼓亂撾雪
消巴峽水烟濕楚江花歸去青鞵健雲門更若耶

寄答詩舲桂林

吏散無一事荒衙水不如梅花五嶺外忽枉故人書山
自開詩境

桂林有陸務觀書詩境二字

江仍繞故廬吳淞懷舊事我

亦憶鱸魚

康熙間易州趙雨蒼孝廉

允澍

不樂仕進築蘇園

以奉母頗有花木之勝館閣諸公有知其人者
輒於扈從過易時至園談讌題贈甚多作圖者

張南華先生也裔孫亨鈐出以相示爲賦二詩
懶隨計吏到神京白石清泉最有情過客儘誇車騎貴
東湖終古屬雲卿

多少詩篇侑玉觴百年耆俊盡銷亡不因三景張詢筆
誰識青山舊草堂

蘇溪新築蔬香小榭

金菜玉蔬何必仙杜家繞屋媚盤餐撚髭獨立斜陽裏
得句先禰辣判官

春風飽識太官羊

山谷句

猶話當時直玉堂我是隱之甘

菜味園官何日送教嘗

秋日西園雜興

此屋非我有我適來居之人間皆傳舍豈遂廢不治既
已飾亭榭還復理徑蹊草木周四隅晚晚惜芳菲葉落
人恨早花開人恨遲霜露以時至恩怨夫何私秋聲在
堂下蟋蟀其有知

西向一小室獅峯鬱相望縱橫十數步可以支胡牀窗
牖頗洞達坐攬雲霞光熟客輕末禮不復相矜莊因之
討文史亦或談耕桑農事非素習其味知甚長願君畢
此辭日暮聊一觴

蓮房摘已盡蓮葉黃欲枯尙有一兩花儵然脫泥淤雖

言歲華晚顏色何其舒蓮根況可食外直中亦虛願以
薦嘉客煩慮爲蠲除

池邊多紅蓼伶俚似寒女牆角黃葵花正色頗自許無
人著冷眼寂寞付秋雨桃李方盛時百卉非其侶一夜
作春泥愁絕燕子語

池北一本桑池東一樹椿不知幾歲年橫蔽半畝許老
醜甚可憎擁腫蓋無取微聞服食功差與參苓伍醫者
不此求生固非其所不材覲天全斤斧終赦汝

交藤赤復白本草嘗具論時雨旣溱漈英翹一何繁蛇
蚓互蟠結遂滿階墀前昔人稱上藥能使縞髮元我今

漸衰蹇妄意求神仙磐石不可移誰能擢其根

衆雛紛長成秋啼聲漸老其名非一族灌木羣飛繞高
鶩無奇翼霄路望縹緲百年謝虞羅一枝亦自好已迫
霜雪期羣匹慎相保

京洛幾千里大道多風塵由來爲天下土苴治其身園
西有隙地幾年委荆榛今年畧種植風露秋已新寒菜
既可茹枯蕒亦可薪

胡虺入我幃空階雨聲滿所思天一涯道路日以遠開
扉對青山落日忽云晚此中豈無人采藥遂忘返石髓
莫我貽憂心何由緩

何時倒植柳吐此千絲柔古來詩人意此物不宜秋秋
風爾何事吹滿人間愁日旰倦隱几忽夢湖西頭柳色
綠更好似作寒食遊上有亂鶯語下有沙棠舟

淵明昔愛菊所愛非今花今花但爛漫世人浪相誇顏
色豈足重要自根性佳君看九十月獵獵霜風斜甯作
枝上枯不肯汙泥沙

秋花不比春花落分付詩人子細
看離騷落英訓落爲始說可從也

戴務旆畫冊

兄弟詩名二陸間更餘妙蹟掩荆關當時貨畚人驚識
怕作功曹入華山

雲山持贈漁洋老秋色渾歸畫筆濃數寸矮箋千尺勢

慈仁寺裏白皮松

山寺偶憩

彷彿魚山梵清齋
遲午鐘草香生細雨
秋色散諸峯
巫老惟謾俗僧貧
半力農幸將休澣日
蒲褐一從容

周翁石藩

際華餉甜酒

市酤多酸不因風
笑盡石家嘗醋翁
君家所釀甜如蜜
不用蜜蜂作檀越
玉蛆翁翁作淺碧
垆面新開香未歇
饑禽啄冰堅不開
夜堂寒飲初膠土聲
杯漢家金莖甘露
味一蘇肺渴陽和
同頽然投牀山枕
側吾遊有鄉甜且

黑

喬見齋中丞繡絲晴川閣圖

晴川烟景如圖畫，畫筆還難妙入微。
尺幅直窮千里目，何人巧弄九張機。
萋萋芳草連雲碧，歷歷高帆帶雨飛。
三十年來鄉思遠，一竿猶識舊漁磯。

話

中丞孝感人，自跋有三十年前遊釣

薑竹和蘇溪

蘇溪先生喜畫竹，打門示我薑竹詩。
生平有竹輒欲看，眼中未見此段奇。
案之諸譜未有軼體相，種性識者誰
東垂弓竹固不類，思勞近似實亦非。
似聞遠致自桂管，移栽池館煩花螭。
新梢玉瘦削春綠，娟娟寫影含風漪。

木石集卷之二
中間輪囷復礪柯非根非節生然疑初生布指狀惟肖
象形取義名其宜我聞貞幹古所美南條北葉歌猗猗
所憂無人能愛護往往雪壓兼風欺彈蕉無力去障蔽
天屈若笑爲人譏自非賦性老愈辣焉能柯葉貫四時
通於神明見直節挺然天地無成虧山川生此自有意
我輩正可深長思不然除熱與禦濕物生異性奚兼爲
願圖其狀置座右豈若朽竹供兒嬉美哉曲而有直體
此君爲我勤箴規

見月簡蘇溪

明月明月不我卽連旬凍雨窗爻黑嬋娟二八最可人

暫慰相思好顏色東鄰詩老揜三羅對月長吟音韻和
不須謀酒濡舌本自有灌頂甘露椀

蘇溪嗜茶不飲酒

用前韻簡陶鹿厓觀察

士霖

問君充實何卽卽雙頰浮紅鬢猶黑東籬述酒遣閒情
最喜杜康能潤色寒月澹澹明窗羅宴坐一枝松養和
倚酣自定新詩本嬌婢傾鬟來捧椀

蘇溪和詩有佼人入室語復疊前韻戲呈

短燭夜寒頻折卽癡螭魂飛花底黑瑤臺月下相見來
十斛量珠買春色瀟湘鼓琴水如羅含意欲聽么絃和
意根難拔同薤本孟光已老空舉椀

魏曹真殘碑

蛟龍鬱律隸法古斷碑新出咸陽土廿行二百六十言
世無舊本能校補因文考事屬元侯陳志參詳義尤著
張掖已紀張進誅江陵更述牙然拒鎮西將軍大將軍
東平峨峨作周輔趙護嚴武爾何人立碑作頌萬載許
碑文此才當世稱佳人少小膽力能射虎已逐仁洪競
勳烈亦似惇淵託肺腑一朝賄賂動哀酸坐見當塗移
典午君不見生兒豚犢材不良浮華之友何披猖臺中
三狗何鄧丁崖柴憑然作疽囊浮橋兵起不得入駑馬
戀豆空傍徨後園持彈向何許尙以困乏求資糧豈知

族詠計早定何必謀逆同張當洛陽廟裏妖夢踐雷公
二虎非荒唐從此朝權付司馬魏鼎倏忽歸淪亡吁嗟
哉子丹之勲遂不祀蔣公有請空悲傷詠夷旣盡大事
去續封久乃聞新昌古來興廢本一瞬秦家養子何足
詳訪碑且喜得異本摩挲石墨充收藏

一 寒夜

黃梅花開香醇醇掩卷欲眠爐燼歇庭中枯樹影槎枒
老鶴相偎臥寒月

書齋落成

誰能久居此來者庶無勞世事雙蝸角微塵一兔毛榻

容琴薦短壁放畫幃高約客談名理還應買濁醪

蘇溪以安化茶餉客見齋中丞用東坡謝錢安道

茶詩韻作詩索和

東坡文章雜笑罵不敢論人聊論茗烏臺當日閱詩案
疑謗紛紜徧三省非非是是姑置之美句琅琅清可聽
天邪不收取苦硬喜慙嘆諛見真性後來譜錄凡幾家
題品誰知味之正先生衙退散騶導一甌自煮風日永
首溪之產良朋貽泉取甘香火毋猛旣非壑源太甘軟
亦非小峴但彊獷桐陰細啜夢湘山日夜宵蟠紫雲冷
洗腥滌腐涵清虛好詩不吐喉有鰓高吟午榻和瓶笙

倘擬坡公同過嶺憐余淡陰有夙苦久廢紅囊串兼餅
魚眼蟹眼都不問寂坐夜看窗月炯茶仙無分況詩仙
自分枯腸似甃井此身不仙亦何惜飲酒食肉生已倖
山泉致疾知可免不用更裁衣蓋癭

紫雲安化別名

夏久不雨或云置虎頭於城北龍潭則雨立至嘉
慶間曾行此法因試爲之果效見齋中丞用東
坡起伏龍行韻紀其事而屬同官和焉

不聞陣雨鳴萬弩但聞敲扶筇蝎虎中丞精禱徵舊事
數典紛紛溯其祖縣庭召吏索虎顧廿年庫屋棲塵土
當時百獸盡懾伏此日兒童相戲侮豈知物類感應捷

不
生
作
言
金
卷
一
二
三
頓覺腥雲散水府乖龍驚起飛九天急雨如繩復如縷
前雷後電旱魃逃不使災傷軫

堯禹詰朝牲醴答靈貺明德歆神神豈吐山城政簡散
衙早偶然落筆奔風雨鏗訇金石聽吟聲似爲龍公寫
餘怒

題見齋中丞焚香掃地圖

昔者橋君學清芬誦至今高松節堂雨萬里洗秋心眼
有烟雲過地無埃壘侵誰能誦黃老此理蓋公深

過周石藩借花草堂

始覺歸田好村烟帶郭斜老慵耽野服春賞借鄰花風

月能娛客雞臆自識家相從得清話憐我尙天涯

寄周執庵觀察

廷授

難算殘棋斂子時關河辛苦馬蹄知荷衣對客鳴珂里

嘉慶壬戌春入蜀梅閣禁寒醉月卮已卯冬過襄陽細

僑寓君涪州里第數半生如轉燭慣行萬里爲尋詩與君未見知君健卷

裏依然海鶴姿

時以飼鶴圖索題

池上有感

侵曉妝成尙怯寒鏡香亭上共憑闌而今淚滿天涯眼

一樣荷花獨自看

鏡香亭在江陰學使署荷花最盛處也乙亥丙子與王夫人居黑中花時

輒乘曉賞翫

周小湖餽酒蟹

右手持杯左蟹螯，蠻鄉秋興那能豪。
忽驚廚下添珍味，乍喜尊前飽老饕。
漁火夢尋湖水闊，山城醉看酒星高。
禽華未落誰能負，莫爲鱸魚首重搔。

姚伯山姬人楊彩鸞山水小景

龍舒山色最宜秋，君是家鄉我舊遊。
袖卷展看眞髣髴，繞城殘柳暮鴉愁。

潘星齋編修

曾鑒

使滇北返至鎮遠寄贈二詩作

此奉荅卽書小鷗波館詩集後

使節昆明遠，江船潯水通。
人歸十月後，詩寄萬山中。
杯

酒坐寒雨青天聞斷鴻寒衾今夕夢遙隔楚雲東

夢醒月已落把君詩卷看朱絃絃瑤瑟如聽古人彈誰

攬飛仙佩余懷幽谷蘭吳中四皇甫品第後來難

君昆弟皆

能詩

以爨龍顏碑寄大姪春燾

碑爲劉宋大明二年建在雲南陸涼州之貞元

堡

佛狸兒孫六十年韓陵一片無流傳南荒古刻獨不仆

雙螭缺齧蹲蒼烟別有三爨碑後先

南甯縣有建甯太守爨府君碑興古

太守爨府君碑昆明縣有隋西爨王墓碑

此碑文古字未刊碑言系出楚令

尹華胄遙遙供一晒大姓兩爨此西爨魏晉勲階盛援

引吾家小阮好作字虎臥龍跳有深嗜書來萬里求此

碑桂

叢

阮

福

頗詳王

昶

未備千錢買寄汝一觀樸散風

神同北魏散禪入聖信有之無上正覺吾恐未打頭屋

小閒摩挲闌干苜蓿饑奈何山陰道士儻解事曷不寫

換雙紅鵝

姪時爲山陰學官

答邵蕙西舍人

懿辰

見懷之作

唐知制誥宋樞密今之職掌合爲一三傑五傑義略同
一月番休能幾日天關深嚴守虎豹華裾朝暮入復出
奔車造請盡豪貴那有詩情付蕭瑟邵君翛然山澤姿
身居要官心不知殿頭晚歸一榻靜寒吟不厭鐘聲遲

古人糟粕非吾師，妙出胷臆無端倪。
長安結交五六輩，論議倣儻昂鬚眉。
酒酣以往互歌嘯，憤歎時俗憂周赧。
王公貴人顧輒笑，世有此輩無乃癡。
明珠纍纍擲蠻驛，竹裏披吟短箋碧。
似諛似諷亦似惜，惜我耽吟老何益。
生平十事九計左，拙者宜然非轍軻。
長波浩蕩江海寬，神魚能飛鼉自跛。
吁嗟衰白何所求，歸臥西溪傍漁火。

水口寺

路折河疑斷，峯雲鎖幾層。
寺門春草合，人語萬山應。
地僻藏經少，僧閒種樹能。
慈航誰與度，片石枉崢嶸。

寺外大石

俗呼石船

鄭夢白中丞

祖琛

小谷口紀事畫引

中丞才器不可量少年文采錦七襄天門夜下龍虎章
出手俾起民膏肓山包川納見氣象雲飛風舉生輝光
槃邁天不福豪傑勞苦坐變頭毛霜黔山洗厄寔清晝
時方自滇撫移八閩過貴陽小住較在杭州見尤瘦示之畫引不見畫

五十年來付清話麻衣白映刀光浮戰場忠孝盟千秋

驚烽海雪收殘涕

謂前年曹娥江防堵事

詩卷鴻泥數昔遊近聞

辦賊奇兵用飛羽之纓漢儀重

去年以勦捕粵匪賞戴花翎

椎牛萬

家笑且歌銅鼓聲酣臥鸞甕人言勲業晚更多儻續新
辭定奇縱豈知載筆自有人刻畫金石躋雅頌幾年晝

錦歸築堂造請壽公百歲觴世間塵幻休回憶清夢悠
悠荅水長

久晴

兼旬無雨滴檐前不似黔南舊日天嶺霧乍收晨氣遠
林風總放午陰圓攜鋤地煖新苔遍把卷窗明老眼便
聞道村農蓑掛壁腰鎌晴隴笑聲顛

石船引

石船石船爾不如龍驤萬斛浮江湖蒨鷺翠鷁畫模糊
鳴鉦伐鼓人譟呼晨發黔蜀夕楚吳巖巖之貌辱泥塗
濟人不若腰一壺歲歲繫此胡爲乎山翁惜石代石語

利鈍眼前能幾許君不見帆高風滿收不得蛟蜃欺人
敗檣櫓

春木以道情一首寄余依韻答之

蕭條問耆舊南埭一皤翁但解及時樂肯嗟吾道窮逍
遙述莊叟棲遁慕龐公溪牒猶堪弄山杯不放空稱呼
任牛馬得失看雞蟲偶有揮豪興聊沿擊壤風遠貽憑
驛使高唱付蠻童作宦老尤拙向人癡復聾何能益塵
露祇自溷樊籠牢落懷人切殷勤招隱工蘆笙愁獨聽
桂棹遠誰同待向滄波上從君乞釣筒

書家巢松前輩

慈鶴

鳳巢山樵求是錄後

香案

先朝侍

玉皇與君出入被輝光
鑾天遠指鋒車共

嘉慶己卯君典澳試余典

黔秘館晨趨彩筆將

道光初元余與君同充實錄館纂修

琴鳳一瘖春

寂寂劒龍雙合事茫茫誰知霧雨牂牁外
詩酸重看萬

丈長

君病失音而亡

蠶曰新編乞外孫

此集從蔣鷺廷刺史乞得刺史巢松外孫也

盡驅靈怪入

雄渾銅絃易迸尊前淚
香草空招紙上魂
奔放才難禪

律縛

君好禪語艱危事借寓詞論
可憐鳳去巢空後
碧蘚荒

巖掃舊痕

曇雲精舍拓地改作蘇溪以別開兜率一重天七

字榜之春日小集有作

舊築法同舍新題兜率陀梵聲花外斷山影酒邊多清
淨便招客疎狂慣放歌退僧憐老嬾殘偈獨摩挲

喜晴和見齋中丞韻八月初十日作

泔泔長霽乍收聲占驗陰陽待細評淨埽浮雲誰著力
老看斜日叢多情開簾披豁山容醒入市謹謠米價平
已料庾樓乘勝夜滿城簫鼓鬧秋晴

黔人中秋有送瓜之俗祝宜男也鼓

吹沸騰月
夜尤甚

昨朝風雨似重陽已遣秋心到蟹匡忽放老晴占稔歲

且貪飽飯住蠻鄉
烟光煖入山中桂
野色陰留屋角桑
江國何如此間樂
頻年輸挽困吳倉

甲秀樓秋望

高樓天氣清百里
見陰晴疊嶺斜通
若長河側讓城柳
邊看暮色雁外問
歸程鐵柱依然在
苔花沒姓名

樓前有平

苗紀功
鐵柱二

俞秋農刺史書聲刀尺圖

鄰雞初號柝聲亂
燈明不明夜過半
讀書眼昏憎睡遲
母色怒兒心惜兒
母心宛轉不自露
兒小惟愁阿母怒
嗚呼兒髮今成絲
安得再見母怒時

又題秋農禪悅圖

行腳人間閱歲時江湖風雪一瓢詩
千山萬水因緣在合是前生得得師

何肉周妻累未空在家爭與出家同
夢中去髮俞清老一笑生龜未脫筒

不須妙法演三車白骨觀中衆妄除
君是丹霞燒佛手直須燒却野狐書

曾理甫行看子

十種圓成嬾學仙閒來放腳碧峯顛
可能睡醒長松下石髓剛逢五百年

見齋中丞招遊黔靈山飯後循山後至聖泉復由
三橋至改茶砦觀新泉比歸已迫夜矣爲四詩
以紀之

密樹裹重巘寒翠無疎陰無人指樵徑安識中嵒嵌攀
厓歷百折窅然烟壑深磴盡拓香界一覽豁遠襟苾芻
許置飲清言引嘉斟白雲如流水可以洗我心矧茲松
下風蕭寥諧玉琴

飯罷日已中言循山後路落葉委丹黃林深行屢誤好
山忽到眼萬態盡刻露年年枉遊屐無意得奇遇小溪
不知名石髮翠平布溯流覓靈湫亭荒冷雲護瓦礫胡

見憐聖跡已非故

古泉遊旣佳新泉遊亦便所歷三兩村參差畫中見遠
響酣笙鐘近影曳縞練發石範方流潏潏寄欣羨洄酌
味其甘冰雪寒可噤靜斂高漲收怒溢餘沫濺消長根
陰陽機祥託靈幻憬然讀易心忘言亦何辨

高興殊未厭落日啼亂鴉村人候門隙牛羊欲還家水
風寒我衣橋影直復斜入城見燈火夜鼓猶未撾百重
苦堆案急符紛如麻一身墮塵濁空言慕幽遐何如山
中客終年侶麈尾

題畫三首

山葉掀風黃復黃
磴石橫烟碧非碧
想入荒原雨歇時
苔花繡澀無行跡
草閒何物鳴呦呦
笑看神鹿生兩頭
長弓大箭不得試
今年

紫軟方春蒐

鹿

湘妃之淚不可滅
湘纍之魂不可招
春風生此兩尤物
楚天極望心忉忉
生憐風景黔南道
篋裡丹黃繙畫稿
峒蠻賣竹還賣蘭
竹賤如蓬蘭似草

蘭竹

沈香亭子花光搖
羯鼓亂打東風驕
阿環一死春寂寞
無物能遣詩魂消
妙諦拈花了空色
驚愁蝶恨模糊極
無錢那復買紅妓
倒嘔詩腸惟有墨

墨牡丹

和重九日見齋中丞招集怡園韻

何勞巖壑費登臨，高館淩虛迥百尋。
窗裏雲山天外路，酒邊絲竹客中心。
飛鴻辛苦南還北，明月蒼茫古又今。
醉看茱萸身健在，諸公休負玉卮深。

六年慣踏徑苔斑，陳迹都歸俯仰間。
黃菊玲瓏羞對客，秋雲冷淡最宜山。
若謀身計鱸鄉好，但乞頭銜麴部頒。
故里登高約鄰叟，此情終欲破天慳。

歲暮作

不因風土異，渾忘宦遊身。
夕嶺猶明雪，蠻雷欲破春。
慰心逋券少，到眼賀箋新。
歲事須料理，呼燈拭硯塵。

寄朱丹木觀察

藏江西時爲江西糧道

三年出入袖中書
顏色思君落月初
雁外風檣下彭蠡
琴邊松瀑夢匡廬
倉曹儲蓄求奇策
薦牘輝煌盼美除
朱蓋彩旗來往數
皖公山色近何如

余與君兩次同官於皖君今轉漕京

師皖又往來所經由也

冬日

寒碧周遭竹繞牆
殘年寂寂遣流光
凍痕得煖都回潤
短景因晴似放長
鳥爲倦飛閒對語
花非衆愛靜含香
翛然物外多微悟
莫向槐柯夢裏忙

花宜館詩鈔卷之十二終